



Menntun - Virðing - Fagmennska - Framsækni

Tækniskólalínan

3. TBL. 11. ÁRGANGUR 2018



HAUST
2018

GRAFÍSK MIÐLUN

Haustönn 2018

Velkomin í Tækniskólann!

Skólasetning Tækniskólans

Skólasetning Tækniskólans er þrískipt og mæta nemendur á skólasetningu í því húsnæði sem þeir stunda nám í. Tímasetningar eru eftirfarandi:

Skólavörðuholt 15. ágúst kl. 10:00 í Vörðuskóla fyrir þá sem stunda nám á Skólavörðuholti.

Hafnarfjörður 16. ágúst kl. 10:00 í matsal nemenda á annarri hæð fyrir þá sem stunda nám í í Hafnarfirði.

Háteigsvegur 17. ágúst kl. 10:00 í hátíðarsal á annarri hæð fyrir nemendur sem stunda nám á Háteigsvegi.

Dagskrá:

Dagskrá skólasetningar er sú sama á öllum stöðum og tekur um klukkustund og verður nemendum boðið upp á grillaðar pylsur, bulsur (vegan) og drykki á eftir. Kynning verður á nýnemaferð og starfi nemendasambands skólans (NST).

Þjónusta

Aðalskrifstofa skólans er staðsett á annarri hæð við aðalinnganginn á Skólavörðuholti. Hún er opin frá kl. 08:00-15:00 alla virka daga. Skrifstofur skólans á Háteigsvegi (4.h) og í Hafnarfirði (2.h) eru á bókasafni og opnar á afgreiðslutíma safnsins. Upplýsingar um opnunartíma eru á vef skólans.

Bókasafn - Upplýsingamiðstöð

Bókasafn skólans er á þremur stöðum, í Hafnarfirði, á Háteigsvegi og Skólavörðuholti. Starfsfólk safnsins aðstoðar nemendur við upplýsingaleit og heimildaöflun. Lesstofur og tölvur eru á öllum stöðum. Einnig er aðstaða til prentunar og skönnunar. Upplýsingar um opnunartíma eru á vef skólans.

Tölvuþjónusta

Allir nemendur hafa aðgang að **tölvukerfi** Tækniskólans og þráðlaust net er opið öllum með sama aðgangsorði og í Innu.

Inna, upplýsinga-og kennslukerfi

Inna er upplýsingakerfi skólans sem heldur utan um alla þætti náms hjá nemendum, m.a. vitnisburð, einkunnir, ástundun, mætingu og námsferil. Inna er einnig kennslukerfi skólans. Afgreiðsla lykilorða og

upplýsingar um hvernig á að fá sent nýtt lykilorð eru á vef skólans. Kennitala nemanda er notandanafn inn á Innu og tölvur skólans, sama lykilorð er notað á báðum stöðum. Aðstandendur ólögráða nemenda fá einnig aðgang að Innu og nemendur eldri en 18 ára geta sjálfir veitt foreldrum eða forráðamönnum aðgang að Innu. Mikilvægt er að nemendur gæti þess að netföng þeirra og símanúmer séu rétt skráð.

Námsver og sérþarfir

Í **námsverum** skólans geta nemendur fengið aðstoð við próftöku og heimanám auk þess sem þar er veitt aðstoð í almennum grunngreinum. Einnig er hægt að leita til námsvera við verkefna- og ritgerðasmíð. Námsverin eru á bókasöfnum skólans í öllum húsum. Upplýsingar um opnunartíma eru á vefsíðu skólans. Nemendur skrá umsókn um **sérúrræði rafrænt í Innu** og þurfa að skila jafnframt inn gögnum á skrifstofuna.

Töflubreytingar

Töflubreytingar eru eingöngu fyrir þá sem ekki fengu áfanga í töflu samkvæmt vali. Töflubreytingar eru gerðar rafrænt í Innu, 15.-16. ágúst.

Hvað þýða áfangaheitin?

DANS2BM05ATS: Áfanginn er á 2. þrepi, 05=einingar og röð áfangans er A=fyrsti í röð. T=Tæknimenntaskólinn
ÍSLE2AA05AT = kennt á Skólavörðuholti
ÍSLE2AA05AT-Hát = kennt á Háteigsvegi
ÍSLE2AA05AT-Hfj = kennt í Hafnarfirði

Gagnlegar upplýsingar og útskýring á **stundatöflum** eru á vef skólans.

Úrsögn úr áfanga

Ef nemandi hyggst segja sig úr áfanga þarf hann að fylla út sérstakt eyðublað á skrifstofu eða bókasafninu. Nemendur yngri en 18 ára þurfa samþykki forráðamanns fyrir úrsögn úr áfanga. Úrsögn úr áfanga getur verið háð samþykki viðkomandi skólustjóra. **Athugið!** Síðasti dagur til að óska eftir úrsögn úr áfanga er 31. ágúst.

Útskriftarnemendur

Nemendur sem hyggjast útskrifast í lok annar þurfa að gefa sig fram við skólustjóra sinn og skrá sig til útskriftar eigi síðar en 31. ágúst.

Val fyrir næstu önn

Valdagur er 15. október. Til þess að tryggja áframhaldandi skólavist þurfa nemendur að hitta umsjónarkennara þennan dag, yfirfara með honum áfangaval sitt fyrir næstu önn og staðfesta valið.

Umsjónarkennarar

Nemendur geta leitað til umsjónarkennara með allt er varðar námið. Umsjónarkennarar hafa vikulega viðtalstíma sem skráðir eru á stundatöflu nemenda.

Upplýsingar um forföll kennara

Forföll kennara eru tilkynnt nemendum í Innu og með tölvupósti.

Náms-og starfsráðgjafar

Námsráðgjafar eru til viðtals fyrir nemendur um allt sem lýtur að námi þeirra. Nemendur geta rætt persónuleg vandamál sín við námsráðgjafa í þeirri fullvissu að þeir eru bundnir þagnarskyldu. Innan skólans eru námsráðgjafar málsvarar nemendanna. Upplýsingar um viðtalstíma og staðsetningu námsráðgjafa er að finna á vef skólans.

Sálfræðingur

Markmið með sálfræðipjónustu skólans er að veita nemendum ráðgjöf og fræðslu um námstækni, kvíða, þunglyndi, ADHD, bætta mætingu o.fl. Sálfræðingur skólans, Benedikt Bragi Sigurðsson, er staðsettur í viðtalsherbergi 218 á Skólavörðuholti. Hann hefur einnig viðveru í Hafnarfirði og Háteigsvegi. Hægt er að panta tíma með því að senda tölvupóst á netfangið bbs@tskoli.is.

Skólasókn

Nemendur skulu sækja allar kennslustundir í þeim áföngum sem þeir hafa valið sér og mæta stundvíslega. Ef nemandinn mætir ekki í skólann eða gerir ekki grein fyrir fjarveru sinni fyrstu kennsluvikuna, er litið svo á að hann ætli ekki að stunda nám í skólanum. Sé nemandi fjarverandi úr kennslustund eða fjarverandi meira en 20 mínútur af kennslustund fær hann tvö fjarvistarstig. Komi nemandi of seint til kennslu fær hann eitt fjarvistarstig. Skólasóknareinkunn er gefin fyrir heildarmætingu.

Fyrir góða raunmætingu 95-100% fær nemandi eina námseiningu sem nýtist sem hluti af frjálslu vali. Reglulega er gerð úttekt á skólasókn nemenda. Nemendur sem reynast með 80-90% mætingu á úttektardegi fá viðvörðun. Nemendur með mætingu undir 80% eru boðaðir í viðtöl til umsjónarkennara eða skólastjóra. Fari nemandi niður fyrir 80% heildarmætingu áskilur skólinn sér rétt til að vísa honum úr skóla. Kvartanir vegna fjarvistarstíma eiga að berast til kennara áfangans.

Forvarnarfulltrúi

Forvarnarfulltrúi er til viðræðu við nemendur sem hafa áhyggjur af eigin vímefnaneyslu, vina sinna eða vandamanna. Forvarnarfulltrúi er Guðlaug Kjartansdóttir. Viðtalstímar eru auglýstir á vefsíðu skólans.

Félagslífið og félagsmálafulltrúi

Félagsmálafulltrúi skólans aðstoðar nemendasambandið, NST og skólafélögin í sínu starfi. Þorvaldur Guðjónsson er félagsmálafulltrúi og veitir allar nánari upplýsingar, sendið fyrirspurnir með tölvupósti á tgu@tskoli.is eða hringið í síma 698 3857.

Félagslífið



Tækniskólinn leggur ríka áherslu á að í skólanum sé mikið og fjölbreytt félagslíf. Innan allra skóla Tækniskólans starfa félög nemenda sem mynda nemendasamband Tækniskólans, NST. Hlutverk þess og nemendafélaganna er að halda utan um félagslíf skólans, klúbba, keppnir innan og utan skóla og aðrar uppákomur. Nemendur eru hvattir til þess að tengjast NST á Facebook, Instagram og Snapchat, nánari upplýsingar: nst.is og á tskoli.is



Tengstu okkur betur á samskiptamiðlunum :)



Nemendasambandið

/nstscoli

Vottorð vegna veikinda

Ekki er þörf á að hringja í skólann ef nemandi getur ekki mætt í kennslustund og/eða námsmat vegna veikinda. Forföll eru tilkynnt til skólans á eftirfarandi hátt: Forráðamenn skrá veikindi nemenda undir 18 ára beint inn í Innu. Ef nemandi gefur forráðamönnum aðgang að Innu eftir að 18 ára aldri er náð, hefur forráðamaður áframhaldandi heimild til að skrá veikindi beint í Innu. Nemendur sem eru orðnir 18 ára þurfa að skila læknisvottorði á skrifstofu skólans innan viku frá þeim degi sem þeir koma aftur í skólann eftir veikindi. **Athugið að ekki er tekið við vottorðum hluta úr degi, sjá nánar á vefsíðu skólans.**

Prentkort

Til að nálgast prentverk í prenturum eða til að ljósrita á fjölnotavélum þurfa nemendur að hafa auðkenniskort. Kortinu fylgja a.m.k. 100 prenteiningar, en sumar brautir fá fleiri einingar.

- 1 prenteining - A4 svart/hvítt
- 2 prenteiningar - A4 í lit og A3 svart/hvítt
- 4 einingar - A3 í lit

Nemendur sækja um prentkort á bókasöfnum skólans og greiða þar 500 kr. Prentkortin eru yfirleitt tilbúin samdægurs eða daginn eftir en þau þarf að láta virkja við afhendingu.

Geymsluskápar

Á Háteigsvegi, Skólavörðuholti og í Hafnarfirði eru geymsluskápar til afnota fyrir nemendur án endurgjalds. Reglurnar eru einfaldar: Fyrstur kemur fyrstur fær, ef skápur er opinn er hann laus til notkunar. Nota skal eiginn lás. Skápa á að tæma og skilja eftir opna í lok skólaárs 1. júní ár hvert. Eftir það verður klippt á lása sem enn eru á skápum og innihaldi skápanna fargað.

Mötuneyti

Mötuneyti er á 3. hæð í aðalbyggingu Tækniskólans á Skólavörðuholti. Mötuneyti á Háteigsvegi er á 4. hæð og mötuneytið í Hafnarfirði er á 2. hæð.

Umgengni

Nemendur skulu ganga vel og snyrtilega um skólann. Í Hafnarfirði þurfa allir að fara úr útiskóm áður en gengið er upp á aðra og þriðju hæð.

Farsímar

Notkun á farsíma eða öðrum snjalltækjum í kennslustund er háð heimild/samþykki kennara hverju sinni.

Reykingar

Reykingar og öll notkun tóbaks, þ.m.t. munntóbaks og rafsígarettna er óheimil í húsnæði og á lóð framhaldsskóla.

Tryggingar

Nemendur og munir þeirra eru ekki tryggðir sérstaklega hjá skólanum. Fjölskyldu- og heimilstryggingar nemenda bæta ýmis tjón.

Skóladagatal - Viðburðir

Mikilvægar dagsetningar eru í **skóladagatali** skólans, í Innu og í viðburðardagatali á tskoli.is.

Vefur Tækniskólans - www.tskoli.is

Nemendur eru hvattir til að kynna sér vef skólans. Þar eru birtar upplýsingar um allt sem viðkemur starfsemi og námsframboði Tækniskólans.

Tækniskólinn 
skóli atvinnulífsins

i

Tækniskólinn er virkur á flestum samfélagsmiðlum og notar þá mikið við upplýsingagjöf til nemenda. Við hvetjum þig til þess að taka þátt í umræðunni og tengjast okkur betur :)

Finndu okkur á Facebook - Instagram - Snapchat - Youtube

